

Թանկի Հարվայի, Խոյգան, Մուղան, Բէկուջան, Սընկըրդ, Մուքէլի գիւղ, Սկեանդարի ղուղայ, Թաշբուլաղ, ներքին Խոյգան, Բէրկէր եւ Խսկան-տարիա. — Չամխըսու, Ջաջուն, Չէշմէփառայ, Քուարղայ, Անաւշ, Վերին-Չարբաղ, ներքին Չարբաղ, Ջղագարկ, Բօրքօք, Ղասումաժայ, Ջանխօլ, Փարմիղան, Շափըաժայ, Թարքու, Փառ-չիս, Փահրոյ, Խոսրովաբադ, Դէյնով, Գուլբը-հար, Հմայա, Մէվրստան, Աղգօլ: — Մնացած գաւառների գիւղերի մասին տեղեկութիւն չէ մնացել: Արդեօք այդ բոլոր 66 գիւղերը պար-սիկները՝ գիւղեր էին, որտեղից Շահաբբասը քշեց Պարսիկներին՝ Հայերին տալու համար, թէ Հայերը իրանք նոր հիմնեցին՝ այդ մասին եւս պատմութիւնը լռում է: Այդ գիւղերից շատերը եկեղեցի ունէին. նրանց մի մասի մէջ մինչեւ այսօր եւս բնակւում են Հայեր, իսկ Ալշանի եւ Անջանի գաւառների գիւղերը բոլորովին դատարկուած են այսօր Հայերից եւ Պարսիկներ են բնակւում նրանց մէջ. մի քանի գիւղերում եկեղեցիների աւերակներն դեռ մնում են:

Սպահան քաղաքի մէջ Հայերին բնակեցրին զանազան թաղերում: Երեւանցիներին եւ Գասկեցիներին բնակեցրին Նարընդալայի մօտ Թրսկան թաղում. Թաւրիզցիներին եւ Գաշտեցիներին բնակեցրին Շամսաբադ թաղում, ոմանց՝ Փաղալայ թաղում, որի մի փողոցն մինչեւ այսօր եւս կոչւում է «Խիաբանը Արամինա» (փողոց Հայոց) եւ որի եկեղեցին այժմ մզկիթի է վերածուած: Մի քանի տներ էլ բնակեցրին խառն